


有部昆柰耶



三百十八
而十

49935

1111



元祿九年丙子二月日重脩

皇圖聖圖 帝齋銀呂

佛日增輝 懺輪常轉

山城州天安寺法金剛院置

法華經

Large stylized watermark characters, possibly '法華' (Fahua), overlaid on the page.

根本說一切有部毗奈耶卷第三十二而

唐三藏法師義淨奉制譯

故放身坐卧脫脚牀學處身十八

尔時薄伽梵在室羅伐城逝多林給孤獨園

時具壽鄔波難陀至彼衆多少年苾芻處勸

喻曰汝等共我人間遊行必當降伏他宗自

獲名稱汝等若欲讀誦禪思及以衣食

所須皆令無闕時諸少年雖聞此勸共知

波難陀稟性惡行不堪共居竟無一人許

同去時有乞食苾芻聞其覓伴遂告鄔波難

陀曰我共大德人間遊行有同行人報乞食

者曰此鄔波難陀為人惡行汝今隨去必遭



惱觸遂報同梵行者曰我滿十夏不爲止他
亦不就彼求受學業彼於我處欲何所爲知
識報曰不相用語後自當知不受勸言遂與
同去出至界外時鄔波難陀報云乞食者汝
可爲我擎持衣袋吾年衰朽且宜相助先令
者荅曰大德豈可不見佛法僧寶勝妙福田
持以奉施而多畜此生惱物耶報乞食者曰
我遣擎物汝不肯持亦未乖理然汝非我二
師輒相訶責斯豈合耶時鄔波難陀便作是
念此乞食者未須與語且忍共去後自當知
遂漸遊行至一聚落即於林外詣井池邊俱
共憇息村中有寺打犍稚聲時乞食者既聞

聲已報言大德寺鳴犍稚我欲往看却言具
壽此乃多是黑鉢之類嬾修善品鳴稚集僧
別有作務我等既疲道路誰能共彼執作乞
食者曰或是分利犍稚我既及界理合得之
鄔波難陀曰汝宜可去若是分利犍稚者亦
取我分荅云如是遂至寺中問知乃是分臥
具犍稚主人苾芻報云阿瑜率漫宜受臥具
報言我有大者亦為受不問彼是誰報云是
大德鄔波難陀荅曰彼人衆所識知亦為取
分即便兩人臥具皆悉受之時鄔波難陀在
於井處廣問諸人兼為說法具如前說諸人
既散時景將曛便入寺中高聲大喚彼乞食

者在閣下房開戶而卧聞喚聲已報言大德
何為高聲我於上房已為敷置眠卧之具及
洗足物並在一邊就彼應卧報言乞食者可
為開房欲有高度彼作是念若容入房乃至
天明言未能了我今宜卧不與開門報言大
德我行疲極無暇商量設有平章待至天曉
時邬波難陀知其意止不為開門即向上房
洗足入室問曰得塗足油安在何處報曰近
在床邊邬波難陀善知聲相觀其卧處即移
床脚安彼頭邊放身而坐今床脚脫打破彼
頭報云大德打破我頭極為苦痛邬波難陀
報云乞食者何故頭破彼作是念我若苦言

或容更打即默尔而住至天晓已便往就別
報言大德我今欲去問曰汝欲何之荅曰向
室羅伐城報云且住我當給汝病藥所須荅
言大德我本無病故破我頭設更有疾豈能
瞻養說是語已捨之而去還逝多林時同梵
行者見唱善來問安樂不報言被打頭破何
有安樂具以緣告時諸苾芻聞是事已共生
嫌賤云何苾芻在上棚卧知脫脚床放身而
坐今床脚脫打破他頭以此因緣具白世尊
世尊集眾問卽波難陀曰實作如是惱亂事
不白言實尔世尊種種訶責廣說乃至為諸
苾芻制其學處應如是說

若復苾芻於僧住處知重房棚上脫脚床及
餘坐物放身坐卧者波逸底迦若復苾芻者
謂鄔波難陀餘義如上僧住處者亦如土知
者或時自作或被他人教重房者謂居重閣危
朽棚上脫脚床者謂此床脚不連上蓋及餘
諸座放身坐卧者謂極縱身或坐或卧故令
膊出傷損他人波逸底迦者廣釋如上此中
犯相其事云何若苾芻知僧房舍有脫脚床
縱身坐卧欲惱他者皆得墮罪若是板棚或
是輓地或脚以板支或時仰著此皆無犯又
無犯者謂最初犯人或癡狂心亂痛惱所纏
用蟲水學處第十九

佛在憍閃毗瞿師羅園。尔時具壽闍陀以有
蟲水澆草土牛糞等。諸苾芻見告云。具壽闍
陀。勿以有蟲水澆草土牛糞等。闍陀報曰。豈
諸生命。我喚將來。豈復有人數以相付。豈可
欲去。我不聽行。四海寬長。因何不去。江河池
沼。盃甕瓶瓿。何不走入。諸有少欲。苾芻聞是
語已。共生嫌賤云。何苾芻以有蟲水澆草
等。自作使人不顧生命。時諸苾芻以緣白佛。
佛以此緣集諸苾芻。問闍陀曰。汝實用蟲水
及以教人澆草等耶。實尔大德。世尊以種種
訶責。非出家人所應作事。讚歎少欲。尊重戒
者。廣說如前。乃至制其學處。應如是說。

若復苾芻知水有蟲自澆草土若和牛糞及
教人澆者波逸底迦若復苾芻者謂是闍陀
餘義如上知者或自知或他告語水謂井池
等水蟲有二種一爲眼所見二爲羅所得若
自用若使他澆草澆土若和牛糞等者得波
逸底迦義如上說此中犯相其事云何若苾
芻於有蟲水作有蟲想若自用若教人用若
草等得波逸底迦疑亦如是若水無蟲作有
蟲想用時得惡作罪疑亦如是若苾芻河池
水處多有蟲魚苾芻殺心決去其水隨有蟲
魚命斷之時皆得墮罪若不死者皆得惡作
若於此水處堰之令斷於其下畔隨蟲命斷

或時不死得罪同前若無殺心者無犯又無
犯者謂最初犯人或癡狂心亂痛惱所纏
造大寺過限學處第二十

佛在憍閃毗瞿師羅園今時六衆苾芻每於
他寺生輕賤心作如是語此寺崩墮猶如客
舍象馬之廐諸苾芻聞已告言具壽仁等於
他住處得便居止而自不能安一基石依他
處所強作譏嫌六衆聞已時難陀鄔波難陀
共相告曰我等常被諸黑鉢類之所欺輕
汝恒居他寺自無居止乃至一石不能安置
我等今應共造一寺今諸黑鉢曾所未觀于
時難陀告鄔波難陀曰若我六人此皆營作者

諸餘黑鉢得我瑕豐作如是說六眾必每又
修善品悉皆營作我等所有施食之家勸令
心變我等宜應於六人內簡取一人識性聰
敏善解說法能令細針引入鹿杖我等六人
誰能如是鄔波難陀曰具壽闍陀眾所識知
辯才無礙能作如是針杖相隨阿說迦曰若
如是者應可詳去共請其人勸爲授事即便
詳去告闍陀曰具壽當知我等常被諸黑鉢
者之所欺弄而云我輩恒居他寺多生譏耻
乃至不能自安一石今應共造一寺今諸黑
鉢曾未見聞我等共營恐招譏議云往時六
眾今作傭人具陳可不共請之日來德仁可

發勇猛志作授事人爲諸僧伽造十住處報
云善哉既是勝田我當爲作于時闡陀受衆
勸已即便洗足入已房中結跏而坐通宵不
寐作如是念以何方便我爲僧伽能建大寺
復更思惟今此世間人天諸衆於世尊所普
生敬信彼某甲家於馬勝所偏生敬信彼家
於吠隨羅所彼家於婆澁波所彼家於大名
所彼家於滿慈所彼家於無垢所彼家於井
王所彼家於舍利子所彼家於大目連所如
是及餘諸大苾芻皆有施主別生敬信我既
無別施主當憑告誰而能造寺時此城中有
一長者大富多財稟性慳恪乃至條墨水

亦不惠人若能化彼今生信敬可爲僧源造
成大寺是時闡陀至天明已著衣持鉢入橋
閃毗而行乞食先於餘家乞得麩已便詣彼
長者家欲入其舍時守門者告言聖者此是
大長者家無宜輒入闡陀報曰如佛世尊乞
食之人但遮五處一唱令家二姪女家三酤
酒家四旃荼羅家五王家豈可此家是前五
種時守門人報言聖者大爲譏弄此非唱令
乃至王家然是某甲長者之宅仁不須入是
時闡陀便作是念求執衣裾尚不聽近欲求
餘物其可得乎于時有一長者新誕孩兒爲
大歡慶奏諸鼓樂多將舞者在門前嚴守

門者貪觀伎樂便離其門是時闍陀即從竊
入時彼具壽威儀庠序如離欲人長者遙見
告曰善來大德闍陀宜於此坐暫時居止而
言談由緒未得其便告長者曰我已巡門乞
得片麩仁可爲羅長者告婢可爲羅麩其婢
爲羅是時闍陀觀所羅麩長者問曰仁何所
觀闍陀告曰我欲觀蟲若有蟲者我不應食
長者報曰若食蟲者當有何過報曰如世尊
言若殺生者由數習故身壞命終墮於地獄
餓鬼傍生受諸苦惱設生人中短命多病然
闍陀苾芻妙闍三藏得無礙辯善識時宜應
機說法即爲長者宣說法要讚修十善實行

十惡時彼長者既聞法已心生敬信即便入
舍令辦種種上妙飲食并諸異味盛滿盤
持來供奉闍陀見已即便生念我聞木金一
煮便休若受此施即為前食亦為後供而告
之曰施主我已受得他所施麩豈容見棄敢
美食耶長者曰我等俗法先得麁食後逢美
妙棄前惡食實無慙咎闍陀報曰長者諸俗人
無戒隨意所為我受戒品豈得同彼受他信
施輒輕棄耶是時長者聞此語已倍生深信
闍陀即便見辭而去長者告曰大德於時時
間賜過我舍即便報曰我實欲得數數相
而守門人猶如暴惡琰摩獄卒不聽前進于

時長者喚守門人告云汝見聖者闍陀入時
不應遮止荅曰依教是時闍陀便即思念若
更有餘黑鉢者入不識機宜令其失信我今
宜可預設方便不令其入報守門者曰咄男
子汝今知不此家長者我以大緣令其敬信
門人報曰誠已知之告云汝從今後勿令諸
餘黑鉢之輩輒入此門若放入者我於長者
與汝重杖替以別人彼便報曰仁入此門非
我所欲豈令餘者而輒進耶請勿為慮是時
闍陀於時時間來詣其舍為長者夫婦宣揚
妙法今受三歸持五學處時長者報曰聖者
若於資緣有所須者於我家中隨意當取請

勿爲外于時闡陀雖聞此告一無所受後於
異時來過其宅爲彼長者讚說七種有事福
業長者聞說福利深生歡喜白闡陀曰聖者
我今欲修有事福業荅言賢首今正是時隨
意當作長者曰欲作何事闡陀報曰可爲衆
僧營造住處長者便念我已屢將家資奉施
乃至縷線曾不見受今時雖許復爲衆僧觀
此知足我深敬重白言大德今我舍內多有
財賄得爲僧伽造立住處然無助我檢校之
人闡陀報曰我願助汝成斯福事于時闡陀
報長者曰仁今當往詣僧伽處諮問大衆求
請我作檢校之人長者報去善哉我去即與

闍陀相隨向寺入大眾中禮僧足已敬白大
眾此聖者闍陀樂為眾僧興造住處我為施
主幸願僧伽慈悲聽許差作授事人尔時舍
利子為眾上座見長者請便作是念此六眾
輩比不被差常惱僧眾况今差遣相惱不疑
報言具壽闍陀我昔營造逝多園林誰復差
我具壽大菴陀造此瞿師羅園亦是誰差
汝若欲為眾僧造住處者當自檢校何待眾
差闍陀聞已便作是念黑鉢之徒不欲見我
何況差許為授事人眾既不差便共長者俱
時起去詣長者家多取錢物往作甄人處告
云賢首汝等豈能於一日中以成熟甄造三

層寺一百口房不輒匠答曰若多與錢物衆
人共爲此應可辦即隨索多少給與其錢次
向壘輒匠處告去賢首汝等豈能於一日中
剗削熟輒造三層寺不次向木匠處告去賢
首汝等豈能於一日中揔集諸木造三層寺
不次向泥匠及畫工處各隨所作問答同
次復多覓傭力之人將入寺中併功相助
三層寺一日便成然造寺時下無水竇上無
泄渠戶中窻牖皆不安置無踈通處形若方
筓但有小門纔通出入營造旣訖便往至彼
長者之家報去長者造寺已成應爲慶讚長
者答曰今時不辨明日當作

余時世尊便作是念六衆闡陀所造之寺於
後夜分必定崩墮若我及僧衆不爲受用所
造寺者彼之施主見寺崩壞生大懊惱必斷
熱血而取命終世尊告阿難陀曰汝今宜於
瞿師羅園諸苾芻處而告之曰汝諸苾芻我
每爲說密修善行發露衆罪汝等若有猶疑
勝定當以定加於初夜分往詣闡陀所造
中各修善品時阿難陀奉佛教已告諸苾芻
曰諸具壽世尊有教我每爲說密修善行發
露衆罪汝等若有獲得勝定當以定力於初
夜分往詣闡陀所造寺中各修善品時諸苾
芻聞是語已得勝定者如佛所教往彼寺中

隨修善品世尊便於半夜亦往寺中起世俗心諸佛常法若起世俗心者帝釋諸天悉不知意是時帝釋諸天來詣佛所禮佛足已在
一面坐佛為宣說諸法無常禮佛足已忽然不現時諸苾芻與佛俱去至後夜時四面雲起風驚雷震更下大雨滿彼寺中形如大箭水無出處其水浸漬寺便崩倒至天明已興眾聞之搃生惶怖悉皆逃走時彼施主即於是日車載種種上妙飲食來詣寺所欲伸慶讚問苾芻曰我所造寺何者是耶有一苾芻晚暮出家與彼六眾先有瑕隙報長者曰此是汝等猶如駱駝蹲伏崩倒汝須存意入也

寺中勿令門額觸汝頭鬚長者見已作如是
念我捨珍財其數無量未曾受用遂見諸貴
即便懊惱悶絕于地時諸親族以冷水灑面
得少蘇息世尊亦時命具壽阿難陀曰汝余
宜往告彼長者曰多有施主奉為如來造立
房舍然佛世尊竟不受用於彼施主福亦隨
生何況汝寺於初夜時有耆宿德行苾芻皆
入受用於後夜分世尊自往及帝釋諸天皆
來雲集入汝寺中共為受用宣說妙法汝之
福利無量無邊當須歡喜勿為憂悒時阿難
陀奉佛教已詣長者所具以佛語告之長者
聞已白阿難曰大德世尊大悲入我寺中為

受用耶阿難陀曰已爲受用長者曰大德若
佛世尊入我寺中已爲受用者我能日日奉
爲世尊造斯住處。爾時長者問諸人曰我善
知識六衆苾芻今在何處。六衆傳聞長者見
問皆疾來至到長者所。長者即便請其食。已
便以新麩人奉一張。苾芻所須資具之物隨
意供給。時諸苾芻見是事已。報六衆曰仁等
能爲長者造立大寺。實是牢固。六衆荅曰汝
何見譏我等。六人能令長者深生敬信。雖復
損失財物。然於我等敬信。彌隆供以上餐。人
奉一麩沙門資具。隨意當給其少欲。苾芻聞
是語已。共生嫌賤。云何六衆苾芻於所作事。

理應著耻反更白高時諸苾芻即以此緣具
白世尊世尊集僧告六衆曰汝等實作如是
不端嚴事耶六衆白言實余大德世尊以種
種訶責廣說如前乃至爲諸苾芻制其學處
應如是說

若復苾芻於大住處於門樞邊應安橫居及
諸窓牖并安水竇若起牆時是濕泥者應
三重齊橫居處若過者波逸底迦
若復苾芻者謂是六衆大者有二種一施物
大二形量大此謂形量大言住處者謂於其
中得爲行任坐卧四威儀事作者或自作或
使人於門樞邊應安橫居及窓牖水竇若起

牆時是濕泥者始從治地築基創起牆壁是
濕泥者應二三重布其摸塹若過著者得放
逸底邊釋義如上此中犯相其事云何若苾
芻爲僧造大寺用濕泥塹及曳泥摸過二三
重作者皆得墮罪若是熟塹及以石木或可
施主欲得疾成雖過重數並皆無犯又無犯
者謂最初犯人或癡狂心亂痛惱所纏時諸
苾芻咸皆有疑請世尊曰具壽闍陀來僧差
作授事人時有何因故尊者舍利子方便遮
止而不聽作佛告諸苾芻此舍利子非但今
日以善方便遮止闍陀乃往古昔亦曾遮
汝等應聽於過去世雪山之中極深險處有

大群鳥依止而住中有鳥王共相統領因遭
疾病遂致命終時諸群鳥既無其主更互相
欺爲不饒益時諸群鳥共集一處而相告白
我等無主不可久存欲覓鳥王同爲灌頂共
相領立我於何處當可得耶去斯不遠有老
鵠鵠衆皆議曰此鳥者宿堪可爲主我等若
扶必有弘益去此非遠有一鸚鵡稟性聰慧
善識機宜我等共問扶鵠鵠爲主是事可不
即共往詣鸚鵡處問言欲立鵠鵠爲主是
事可不于時鸚鵡觀鵠鵠面而說頌曰
我不愛鵠鵠以爲衆鳥主不瞋面如此
瞋發欲如何

時諸群鳥聞此說已不立為主便立鸚鵡以
為其主汝諸苾芻勿生異念往時鸚鵡即舍
利子是老鸛鷓者即闍陀是昔扶為主方便
遮止今差授事亦方便不聽又無犯者謂最
初犯人或癡狂心亂痛惱所纏

第三攝頌曰

不差至日沒

為食二種衣

同路及乘船

二屏教化食

衆不差教授苾芻尼學處第二十一

內中攝頌曰

佛今難鐸迦

教誡苾芻尼

為說甚深經

皆證阿羅漢

余時佛在室羅伐城逝多林給孤獨園佛於
此處爲夏安居與五千苾芻俱有耆宿苾芻
尼亦在此王園寺而作安居所謂准陀苾芻
尼民陀苾芻尼末臘婆苾芻尼大衣苾芻尼
善行苾芻尼曠野苾芻尼明月苾芻尼安隱
苾芻尼少力苾芻尼憍答彌蓮華色大世主
苾芻尼等大聲聞尼咸於此住時大世主苾
芻尼與五百苾芻尼以爲侍從往詣佛所禮
佛足已在一面坐余時世尊爲大世主等宣
說法要示教利喜令歡慶已告言大世主時
至可去時大世主聞佛說法頂戴受持禮佛
足已即便出去余時世尊見大世主出去之

後告諸苾芻曰汝等應知我今年衰老朽氣
力羸憊不復更能爲諸四衆苾芻苾芻尼
波索迦鄔波私迦宣說法要汝等從今已去
耆宿苾芻應爲次第教授苾芻尼時諸苾芻
聞佛教已即依次第而爲教授時具壽難鐸
迦次當教授而不願去教授諸尼時大世王
前乃至禮佛出去

苾芻尼復與五百苾芻尼往詣佛所廣言交
佛見大世王出去之後告阿難陀曰今當次
誰教授尼衆阿難陀曰比來皆是耆宿苾芻
更次教授今至具壽難鐸迦而情不樂欲教
授尼衆時難鐸迦亦在佛邊衆內而住今時

佛告難鐸迦曰汝當教授苾芻尼應為諸尼
宣說法要何以故難鐸迦我當隨力教授
苾芻尼汝亦教授苾芻尼我為諸尼宣說法要
汝亦如是宣說法要由此緣故令彼諸尼眾
得大利益有大光暉能廣增長獲究竟處汝
不應辭教彼尼眾時難鐸迦蒙佛教已默然
而受時具壽難鐸迦過於夜分至天曉已於
日初分著衣持鉢入室羅伐城次第乞食既
得食已還至本處飯食訖收衣鉢嚼齒沐洗
足已旋入房中宴默而住
時難鐸迦於晡後時從定而起著僧伽胝持
一苾芻以為後從向王園寺欲教授苾芻尼

既至彼已時諸尼衆遙見難鐸迦來白言善
來大德即爲敷座請其安坐時諸苾芻尼禮
難鐸迦足已於一面坐時難鐸迦告諸苾芻
尼曰我今爲諸姊妹說問荅法門汝等善聽
若解者言解若不解者言不解於義善解如
理修行於義不決當可覆問大德比言之義
我未能解諸苾芻尼聞是教已白難鐸迦曰
大德我蒙善教深生希有慶悅無已如是次
德善教我等我等咸皆隨所教事而爲問荅
順理修行時具壽難鐸迦告諸尼曰姊妹汝
知內眼處有我我所不諸尼荅言大德我亦
見有又問曰姊妹如眼既余乃至耳鼻舌身

意內處有我我所不答言。大德我不見有。何
以故大德我等順修正行實作此解。以正
見觀內六處實無有我。心生信解了無我故。
時難鐸迦報諸尼曰善哉。姊妹善能解了。皆
所詮義。此內六處無我我所如是。應知又於
外色處有我我所不諸尼答言。大德我不見
有文問曰。姊妹如色既介。乃至聲香味觸法
外處有我我所不答言。大德我不見有。何以
故大德我等順修正行實作此解。以正
觀外六處實無有我。心生信解了無我故。時
難鐸迦報諸尼曰善哉。姊妹善能解了。言
詮義。此外六處無我我所如是。應知復於

妹眼色為緣能生眼識此之識性有我我
不大德無有如是乃至意法為緣能生意識
此等識性有我我所不答言無有何以故如
上廣說乃至如是應知復次姊妹眼色為緣
能生眼識由此三和能生於觸此觸有我我
所不乃至意法識三能生於觸此觸有我我
所不答言無有何以故如上廣說乃至如是
應知復次姊妹此眼色識三和生觸能生於
受此受有我我所不乃至後三因觸生受此
受有我我所不答言無有何以故如上廣說
乃至如是應知復次姊妹此眼色識三和生
觸此觸生受此受生愛此愛有我我所不

至後三之愛有我我所不答言無有何以然
如上廣說乃至如是應知

復次姊妹譬如因器油炷及火方有燄生姊妹
如燄無常乃至火炷油器皆亦無常姊妹
甚復有人作如是說器油炷火雖是無常然
依此等所生之燄定是堅固不可變壞常存

之法如是說時可說此人爲實語不答言
德斯非實語何以故此器油等皆無常故所
生之燄豈得是常姊妹如是內六處無常若
復有人作如是說此內六處雖是無常然依
此等所生喜樂定是堅固不可變壞常住之
法如是說時可說此人爲實語不答言如德

至後三之愛有我我所不答言無有何以然
如上廣說乃至如是應知

復次姊妹譬如因器油炷及火方有燄生如
妹如燄無常乃至火炷油器皆亦無常如
甚復有人作如是說器油炷火雖是無常然
依此等所生之燄定是堅固不可變壞常

之法如是說時可說此人為實語不答言
德斯非實語何以故此器油等皆無常故所
生之燄豈得是常姊妹如是內六處無常若
復有人作如是說此內六處雖是無常然依
此等所生喜樂定是堅固不可變壞常住之
法如是說時可說此人為實語不答言如德

斯非實語何以故乃至廣說大德我等順修
正行實作此解以正慧見觀內六處皆是無
常心生信解由彼彼法生故此此法生彼彼
法滅故此此法滅終能獲得寂靜清涼解脫
之處難鐸迦報諸尼曰善哉善哉姊妹若能
解了言所詮義心生信解了是無常由彼彼
法生故此此法生彼彼法滅故此此法滅終
能獲得寂靜清涼解脫之處復次姊妹譬如
大樹根莖內外枝葉華菓貞實具足此之大
樹根是無常乃至華葉皆亦無常若復有人
作如是說此樹根等皆悉無常然而樹影定
是堅固不可變壞常住之法如是說時可說

此人為實語不答言大德斯非實語何以故
此之大樹根莖枝葉乃至華菓皆悉無常若
無根等所依之物能依之影皆不得有難鐸
迦曰姊妹外之六處皆悉無常亦復如是若
有人來作如是語外之六處皆是無常然而
依此所生樂觸定是堅固不可變壞常住之
法如是說時可說此人為實語不答言大德
斯非實語何以故廣說如前乃至終能獲得
解脫之處

復次姊妹更說譬喻汝等應聽諸有智者以
譬喻故能解其義如善屠牛人及諸弟子手
執利刀斷其牛命方便剝剥外皮內肉皆不

復損然於腹中肝肚腸胃細割斬截悉皆除
棄重取其皮周徧蓋覆姊妹有人見時作如
是語此牛與皮相連不別是有命牛可說此
人是實語不答言大德斯非實語何以致此
屠牛人及餘弟子手執利刀斬牛命時雖不
損皮肉然於腹中肝肚腸胃割截除棄但重入
取皮周徧而三十五蓋覆此肉十五與皮不相連者姊妹
舉此喻欲曉餘義如理應知所言牛者謂有
色身麤重四大父母精血羯刺羅等聚集成
就復以飲食共相資養假藉塗香及澡浴等
終歸磨滅破壞消散言內肉者謂內六處言
外皮者謂外六處腹中五藏者謂欲貪等言

善屠牛人及餘弟子者謂是多聞利智聲聞
弟子言利刀者謂智慧刀謂佛子心持慧劍
斬彼相應繫縛煩惱及諸隨惑對治損壞悉
皆除棄是故汝等了斯事已當勤修學勿為
放逸後生悔恨姊妹若於汝等情所深著受
樂之處當善防心深未斷故於可瞋境當善
防心瞋未斷故於愚癡境當善防心由癡味
斷故於四念住當善護心正觀而住修念住
已於七喜提分法應善修習多為修習於喜
提分既修習多修習已於八支道正念成就
能除欲漏除欲漏已有漏無明漏心當厭捨
生厭捨故便得解脫得解脫已證解脫智見

即能了達我生已盡。梵行已立。所作已辦。不受後有。汝等姊妹如是應學。

今時具壽難鐸迦為諸尼眾示教利喜。宣說法已從座而去。既至明日時。大世主與五百

苾芻尼還至佛所。如常威儀聽妙法。已禮佛

而去。佛見大世主出去之後。告諸苾芻曰。汝

等觀此難鐸迦而三十為彼十五五百苾芻尼。正教正誡

令得解脫。而未證究竟。若於今日而命終者

我不見彼諸苾芻尼有一繫縛煩惱而不除

斷。由斯結惑為羈絆。故重來此世而更受生

汝等苾芻譬如白月。十四日月在空。中人皆

觀見咸悉有疑云。此明月為滿不滿。然此明

月不是圓滿由未究竟故如是難鐸迦苾芻
爲彼五百苾芻尼正教正誠令得解脫而未
證究竟若於今日而命終者我不見彼諸苾
芻尼有一繫縛煩惱而不除斷由斯結惑爲
羈絆故重來此世而更受生今時世尊記彼
五百苾芻尼得不還果已告難鐸迦曰汝當
教誡諸苾芻尼爲說妙法令速出離何以故
我及於汝教誡諸尼令其解脫時難鐸迦聞
佛教已默然受教

時具壽難鐸迦至明日已於初分時著衣持
鉢入大城中次第乞已還至本處飯食訖收
衣鉢嚼齒木澡漱已於外洗足入房宴坐至

日晡時從定而起著僧伽脫將一苾芻以為
從者詣王園寺欲教授苾芻尼既至彼已時
諸尼眾遙見難鐸迦來白言善來大德即為
敷座請其安坐時諸苾芻尼禮難鐸迦足已
於一面坐時難鐸迦為諸尼眾宣說法要示
教利喜既說法已從座而去時大世主苾芻
尼將五百尼眾而三十往世尊十七所禮足已廣說如前
乃至禮佛而去今時世尊尼眾去後告諸苾
芻曰汝等觀此難鐸迦苾芻已正教誡五百
苾芻尼悉令解脫得究竟處不是諸尼眾若
於今日而命終者我不見彼一人於生死路
而重遊履故於今時盡諸苦際汝等苾芻譬

如白月至十五日。月處空中。人皆覩見。無復
生疑。云此明月為滿。不滿。然此明月是極圓。
滿。由究竟故。如是難鐸迦。苾芻為彼五百苾
芻。尼正教正誠。令得解脫。入究竟處。若於余
日而命終者。流轉路絕。不復受生。今時世尊
記五百苾芻。尼得阿羅漢果。已諸苾芻。眾聞
佛所說。歡喜信受。

根本說一切有部毗奈耶卷第三十八而

阿瑜

逾

音曛

許云

高度

下徒

暇

棚

被耕

盜

瓮

上浪

及壇

於建

墮

徒回

廡

瑕

鹽

上音

許近

滌

徒的

衣裾

下音

誕孩

上音

緒

下音

琰及以滌壘及倫水剡剡下思初產及寬寬音泄音竺音

及市緣漬及在智駱駝二落字音蹲伏上存音刺及良達入

樞及楚俱店徒店模繫上莫胡及下音擊鴝鴝鷓休留二字音

末臘下塔及郎羸下力掇及垂及及詮及七全藉及才夜及羈

絆上居宜及下音半澡漱二早瘦音

而三十
十八



